

晚晴移詩匯

晚晴謔詩匯卷一百七十八目錄

劉福姚 一首

張鶴齡 二十四首

惲毓嘉 三首

傅增清 二首

劉可毅 二首

汪洵 一首

顧瑗 九首

宋書升 十八首

沙元炳 七首

周景濤 十二首

李希聖 二十三首

史悠咸 三首

屠寄 二十二首

林旭 八首

李經鉅 二首

冒傳鈞 一首

陳銳 三首

李慶豐 一首

胡薇元 一首

羅運嶽 二十三首

蔡增澍 二首

晚晴移詩匯卷一百七十八

徐世昌

劉福姚字伯崇號忍盒桂林人光緒壬辰一甲一名進士授修撰歷官侍講

端午賜衣和毅夫侍御韻

趨朝猶著舊官衣樓閣雲深望裏非文字酬恩殊負負江湖戀闕尚依依蒼茫天意憑誰問老懶心情與世違一領漁蓑歸計熟中原豺虎未應稀

張鶴齡字長孺號筱圃陽湖人光緒壬辰進士改庶吉士授戶部主事歷官奉天提學使

詩話筱圃揮究羣籍好深湛之思於中外學術治術之異同洞明真際著有變法經緯公例論庚子後長沙張文達被命興學筱圃多所贊畫余督東三省時筱圃任奉天提學極倚重之而商榷吏事鮮及詩文

近得其擬庾子山詠畫屏詩二十四首結思流響幾
欲亂真當是少作蓋自通籍後殫心新學不暇爲此
矣

擬庾子山詠畫屏風詩

南嶽回紫極鄂杜春光開華林候氣轉瓊葩照地來暫迎
飛蓋舉將看舞袖迴侍飲香春殿未惜流霞杯

碧漢歇微雨層瀾霽旭前橋平疑斷渚花香礙蕩船新歌
倚煙擢過錦出叢蓮低映芙蓉面回波始惘然

虹楣延麗春鶯燕動芳鄰躡帶恰香芷鞞佩遺美人犀箏
促鳳柱鸞吹發腥脣明睽自呈露願逢洛波神

步廊周釵砌虛閣折璇源水出珊瑚氣山開雲母門選騎
長楊苑飛觴金谷園芳華未衰晚留醉枕雲根

江東盛文譙冠蓋足遨遊楊枝狎文羽桃葉送煙流石梁

遙學徑雲棧近依樓何事悲田宅東陵故徹侯

舊舞青溪記新歌子夜連釵花翻寶扇釧玉研珠弦醜顏
低障後密態出鏡前誰謂無青鬢歡娛四十年

窈窕排丹闥迴翔出鈿車春旗拂岸柳輕吹落花似出
齊遺室將宴楚章華夷庚休畏險峻坂隔袞斜

錦衛香如海金庭花作林新霜拭明鏡飛雪繞青琴干將
贈知己琅玕結素心風前莫喻意杯酒自清深

丹霞麗藻棗碧靄繁蘭堂步障豔圍錦歌塵長繞梁連房
簫管競映水綺羅香竟日陳長簾紅豆自安牀

涼秋礎杵急擊響逐風飄流黃出織手束素怯輕腰吳綾
剛就織蜀絃應罷調邊書遲塞上校尉舊嫖姚

列嶂明浮黛水紋生薄羅長星耿清旦房露轉商歌原陵

望松柏汀洲。寒芰荷南都歌舞地。金粉苦無多。

連檻壁璫。啟洞戶珠纒。懸翔禽戀叢薄。儵魚戲水蓮。芙蓉
時葺蓋。鴛鴦不礙船。遺簪未捐棄。清尊話年前。

密篁匝地迴。高樹帶雲齊。華旂雙道捲。黼帳四圍低。丹巖
游錦鳳。雲外叫天雞。芳菲共珍惜。流鶯綠樹啼。

羣流爭亂石。摧塊棧車過。瑤戈揮落照。樓櫓黯橫波。秋殘
問古渡。天外走長河。明日江關隔。馬首朔塵多。

已折青泥坂。還傾碧醪壺。桐華拂石井。竹筍供香廚。山盤
太行上。雲飛易水孤。羈禽聊逐侶。無用感黃墟。

雍門冠珮。肅列禁羽林。長貌猊環細。柳龍馬出長楊。鶯歌
逐鼓吹。花雨亂衣香。簪毫預清宴。還擬侍承光。

萬騎迴天蹕。句陳闔道開。景陽新舞入。宜春陪乘來。翡翠

金蟬綉葡萄紅玉杯更待蘭池月輕衫舞雪迴

金輅言奉使寶鬲報平戎皇圖跨瀚澹予樂盛岐豐大漠
雲屯積天山月挂弓芳林還校射攜文步侍中

綺林交翠羽錦浪狎文鱗花分盤馬路草鬪踏歌人危樓
欲迴漢別殿易驚春采芻郎官賜應知通大秦

菡若承春輦杉蘿靜夏池金鋪桂煙曉繡帷蕙風吹玉柙
流蘇帳珠鐙火齊枝誰攀大隄柳寂寞雨絲敲

藉草得幽徑餐松習清齋樹老雲都聚苔深石半埋柳花
時撲面花片每投懷吹笙啟別館惜無洛客偕

黃圖風日美麗矚滿芳菲朱郭羽觴集金張繡轂飛游絲
香惹鞦韆粉涇黏衣野草獨無數王孫殊未歸

雕弧森列隊羽葆擁中流健客青絲籠絲女木蘭舟新宮

開戚里大道起青樓蓬萊帝子醉油幕正從游
斜陽下古臺畫燭喚傳杯楚舞空江怨燕筑暮雲開片雲
移翠竹零雨落黃梅天北星辰指江南書劍來

惲毓嘉字孟樂號蘇齋大興人原籍武進光緒壬辰進士
改庶吉士授編修歷官延平知府

詩話蘇齋於戊申被命典郡爲宣南話別圖題詩自注謂居都下幾四十年今將去之有戀戀朝簪之意辛亥後和宋蒲甫編修詩有云摩挲柯井餘殘碣寂寞宮花殢曉煙蓋桑海躬經匪止天上玉堂之感矣

自題宣南話別圖

身世渾如燕翦拋一年一度一新巢南橫街北春纔定別
竹辭花又打包

茫茫宙合迭翻新且作龍津小住身出本無心歸亦好閒
雲何似看雲人

六十述懷

往事成塵六十年蒼蒼非復舊華顛流光捷似追風馬望
治難如上水船蝸角樓遲投老地蠅頭生活賣文錢英雄
汗血羈人淚一例消磨化作煙

傅增清字雨農江安人光緒壬辰進士改庶吉士授編

修厯官江蘇知府

詩話江安自設治以來入翰苑者始於雨農時京師
士大夫競言考據詞章之學一二居高位者相提倡
巧者或藉以梯榮雨農獨閉戶讀書取爲干謁視學
貴州觀風試題以西北地理發問按試各題閱際博
偉野人謂自洪北江後所未有也在任三年務以實
學教士壬寅分校秋闈所得多名士湘鄉陳毅爲
尤著諸弟並負時名增濬爲余門下士學尤遠
密中年謝世遺著待刊因錄兩農詩附識之

雪夜度安南鵝翅勝

積寒破荒屯迸出衆山嶠三望

披名

到地平一峯橫天拓途

長日下春行役苦煎灼初陟緣陂陀漸進度崕崖澀隴纒
汲井退速水瀉壑後顧辟百夫前猛厲雙竿陷淖雪泥融
墜滑冰壘薄既再接再厲乃一前一卻銳進進步饒奔殿
殿陳託其上屬縮鞞厥象肖張膊晴明已噴哢冥行倍踟
躑活潑潑地時如塗塗附隄登頓馭朽懲臨深遽叱莫舍
輿而徒行履險儻從約濟勝鮮飛筇爾能期奏各凌風風
泠泠俯地地漠漠拗折峽角長峭立壁面削秉燭黑如磬
星火耿餘燭細路并猱爭積溜蹙蹙魚鰓扶危承厥肘踏實
村以腳胷藤衽屢攝觸石手暗摸磨旋蟻延緣旁行蟹郭
索突出懸萬仞憑虛寄一籊坎循倒馬痕來時於此墜下
二駭故云遵義

有倒馬坎他
處此名亦多

勢壓飢鷹掠

相見坡有崖名鷹
翅勝遜此峭削

媯補陷未彌

靈劈跡猶崿

來時有崩痕
今仍未修治

既窈兮冥兮亦波若磔若或逼

窄疊跡復爭道急著似蔡州雪入如崑崙夜搏奇局成獨
往偶趨致衆愕倅魄重淵升險語半天落之旋摩層巔曠
若出虛霏皓潔映淵茫問訊鄉導將上頂始遇該縣人籠燭來迎陳倉
竟漢襲陰平乃鄧跛嚇然嶺同怵山西四大天門其南天門名嚇然嶺惶恐
灘猶怍禪地回證初陳跡積感作吁嗟七聖迷終待五丁
鑿徘徊三歎息藉慰百維度泥滓亦偶然平坡悟理鑰王
道本夷庚設險豈猶昨敢告良有司餘地盍留綽

庚子春初自興義按試回雨雪載途連日大霧道經
關索嶺適值開霽俯仰流連偶然有作

崑崙地脊控八方南分一幹支夜郎上薄昆明下五嶺中
間脈絡紛開張迸地突出羅萬菌攢天擁簇森干槍到此
劃然成巨壑滇黔鎮鑰真金湯關上滇黔鎮鑰類我行積

日苦墮霧今日頓覺神飛揚試登絕頂一悵望如闢混沌
開天荒禹跡晦昧遺疏鑿厥宅殷士尤茫茫二盤源處近

黑水三危傅會同荒唐

莫邱亭以紅巖爲三危地疑亦附會

磨巖強被諸葛

碣將軍名嶺誰能詳卻思當關據形勝一夫足使千夫僵
雞嶺對峙殊險易紆籌坐令輪批吭竭來承平二百載芟
夷荆棘成康莊閩風蹀馬同下視彷彿華碧河流黃四十
三盤窮踐躒擬坐智井窺天閭墨客爭摩矚甲上白雲不
使紅巖藏紅巖碑昔人皆謂爲殷宗伐鬼方勒石吾弟學淵則以爲莊驕所爲灞陵一勺山
一垵兩山之間卽灞陵河省識摩畫資維綱耕鑿相忘陵谷險田流
漉漉皆瓊漿半嶺瓊漿卽馬跑泉犵鳥蠻花各自媚那知世外多滄
桑大坡頂上重迴首但見野鶻凌風翔浮空萬象隨變滅
白日欲赤青天蒼

劉可毅原名毓麟字葆真武進人光緒壬辰進士改庶

吉士授編修

詩話葆真費申羣籍所作多沈博絕麗性強記熟於
咸同軍事抵掌而談如親在行間入許仙屏河督幕
中代草詩文皆精絕宦京時任大學教習請五代史
授古證今聽者忘倦庚子夏拳匪方張朝士畏禍相
戒緘口獨葆真憤其作亂昌言於眾卒以身殉呂幼
船藥禪室隨筆言葆真居恆嘗攬鏡太息自謂必死
道路若有先識亦可異也

壬辰十二月最初中以阻雪未作秣陵游予亦膏車不

發

黃子本名士論交四海多輕帆破冢出瘴癘夕陽多斗酒
腹猶痛長途悲作歌故鄉好風物相見未蹉跎

我去瞻園久三年草又繁空廊還納月穿樹不知門白下

舊賓主青衫新弟昆與君期歲晚飛雪儻論文

汪洵字淵若一字子淵陽湖人光緒壬辰進士改庶吉

士授編修

詩話淵若有書名鬻字海上自食其力壹若劉井柯亭無與於己者而其憂國之思時時流露己亥長至詩有云玉宇高寒象緯過長星夜夜凝愁眸自敘時儲位方定亂象已形不覺情詞迫切視東坡之水調歌頭心同而境異矣

讀漢書有感

蟻蝶浮天劫竟乘居然棲爵上觚稜窺窗玉女雲都散承蓋銅仙露尙凝此日黃圖成故事何時赤伏佐中興運移新室悲文母望斷瀛臺泣涓陵

顧瑗字亞蘧祥符人光緒壬辰進士改庶吉士授編修

有西征集

詩話亞蘧入詞林年甫逾冠才名藉甚嘗官御史以言事回原衙門行走其詩皆驚才絕艷卓犖不羣惜

葉多散佚今僅存西征集一卷
乃庚子辛丑間扈從西安所作

次韻和高子衡觀察靜中吟

鐘動雞鳴俄頃時
迷離野鹿與標枝
前塵誤觸嬰身網
此日眞成無當厄
愧我頑空耽說偈
喜君解脫善談詩
健椎忽憶須彌頂
三十年來悔已遲

修武縣西北有濁鹿城魏受漢禪封獻帝爲山陽公
城卽公所居也道經此地感而賦之

炎漢逮中葉
朝綱已不整
桓靈繼昏憤
天怒發災眚
殿陛妖孽生
邊塞烽煙警
維時有張角
嘯聚羣不逞
公言蒼天死
黃巾繫要領
擾亂徧九州
響應暨五嶺
從來邪術興
變亂在俄頃
誅斬不期多
驅治貴用猛
姦雄利時危
乘閒志乃騁
時豈無忠良
出語劍在頸
哀哉建安君
厲階遂爲梗

戎馬走倉皇流螢借餘景運際田篡齊數應吳入郢幽囚
濁鹿城不死實爲幸客行過遺墟談者猶齒冷前事後之
師何人發深省

舞獅曲

正月八日道出修武是日邑人祭火神士女
駢集百戲具陳停車縱觀以舞獅爲最作舞

獅曲

雞婁大鼓聲洲洲南村北里車駢闐神去神來送迎畢廣
徵戲具娛新年尋樞綠曲走長索吐火吞刀相繼作陡然
變出狻猊形一嘯長風振林薄盤旋上下聲咆哮寒光凜
凜拳金毛鋸牙磨厲地欲裂銅頭睥視天爲高一獅倒曳
一獅走鬱怒追逃氣猶吼興酣直欲吞萬牛目中久已無
三狗吾聞獅子產大秦波斯品類尤威神國初遠略振殊
俗重譯貢作天家珍如今滄海方騰溢殺到角端都駭逸

越南馴象久無聞何處瑤光呈異質春燈闇闇動征軺逆
旅光陰不自聊鄉中獅子鄉中舞誰辨黃超與白超

函谷關

雄關高峙鎮巖疆百二河山此設防當日丸泥封不得至
今鎖鑰勢猶強功名我已輸楊僕逆旅君無出孟嘗欲考
圖經辨新舊邇來秦漢幾興亡

閩鄉縣

秦爲頭號爲尾萬樹桃花光燁燁行人到此車輪摧夸父
行之速如鬼黃帝鑄九鼎博採首山銅鼎成龍乃去賸有
軒游宮漢武求仙意未已諱說文成馬肝死鶴駕西飛竟
不歸皇天原上空思子關城壓境河聲急單車曉出稠桑
驛

擬陸士龍爲顧彥先贈婦往返四首次原韻

悠悠白日晚蕩蕩青春陰離離羈思積窈窕悲緒沈奔景
易有窮獨軫難爲音開窗滌歡爵掩袂理愁衿眷言淑媚
姿冥漠櫻我心

攜手送君行欲起旋復止春風不留人君行已千里憂來
無晨昏夢想見吾子長安多麗人纖腰編貝齒妖冶良足
怡衰醜胡能紀席石敢責前絲蘿庶念始

泥新燕不巢繭老蠶自縈閉目少今覲捫心增往情秦中
昔喪亂時危地匪靈曲池旣已平高臺亦已傾矧我倦孤
館沈思浩欲盈誰向支機石潛照牽牛星

星辰爛繁輝雲霞發奇觀弱柳媚朝曦芳葩搖春晏京洛
何煌煌都人自粲粲鳳柱戛鳴箏鶖絃起清彈聯娟約修

眉跌宕攘皓腕自非秉金堅疇能導冰散遙想豔陽辰笑
語切河漢閻瞽守深闔對鏡獨銘讚蓬首孰爲容鉛華幾
日煥無倚蕙蘭芳忍棄菅蒯賤

宋書升字晉之濰縣人光緒壬辰進士改庶吉士加五

品卿銜

詩話晉之博問多識制行芳潔爲近歲齊魯學人之
冠五經皆有著述春秋主左氏三禮尤長周官爾雅
夏小正並有所疏證通音韻之學旁及泰西二十六
字母融會以求其通尤精天算美利堅儒者黑氏爲
此學專家嘗與辨難折角而去晉之與柯鳳孫鄭東
甫孫佩南諸君齊名黯淡不求聞達以庶常終其身
余昔年同館投分甚深光緒之季余游濟南晉之主
講金泉時時過從同攬釣突泉諸勝宣統間余以勸
鐵路復至晉之借佩南過訪縱談及其歿後余屬鳳
係及徐悟生編訂所著諸書將謀劖乃其婿遽挾
以去迄尙未得付刻詩其餘事而雅
正敦厚學人之言要不同於凡俗

擬古

結髮爲夫婦，兩小無猜疑。如何遽不淑，中道相乖離。自君之出矣，不復畫蛾眉。思君如蠶繭，白日吐春絲。春絲終有斷，妾意無止期。

祖道東門外，朝朝設離筵。車飾五香轂，馬繫七寶鞍。杯盤紛羅列，友朋勸加餐。游子且勿餐，聽我取琴彈。不唱江南好，但歌行路難。前有九折坂，後惟惶恐灘。天地皆荆棘，異鄉何由安。一歌行路難，主人淚汎瀾。再歌行路難，游子摧心肝。

昔有希夷子，結宇峨嵋顛。未能甘寂寞，談笑落人間。攜有琴在手，星辰羅軫端。此琴非凡樂，中有太平絃。一鼓神人洽，再奏四夷安。衆人多嫉忌，掣肘不能彈。抱琴歸故廬，中夜坐長歎。

營陵道中遇雨

石徑崎嶇裏春陰
晻靄中鶯啼千樹雨
驢背一蓑風野渚
流添碧村樓霧隱紅
孤山全入畫雲水正濛濛

游大明湖

明湖春後色不減
若耶溪萬綠搖煙起
孤篷載酒迷艣枝
憑鷺引荷葉與人齊
游賞渾忘倦西城日已低

寄劉笑亭孝廉

話別旗亭易五春
良朋消息滯魚鱗
落花時節方游楚
折柳陽關又入秦
經史白頭終作客
風塵青眼豈無人
秋來定對樽前月
眞識天涯若比鄰

春日山村

十里榆村路春來入畫堪
溪邊飲黃犢屋上曬紅蠶
家未

兵戈徒兒能稼穡諳山穀供客好休怪老饕貪

海畔

海畔羣山伏村居傍石巖平沙連草白逆水帶潮鹹雁渚
橫孤艇漁家曬破帆煙中開曉市處處賣春蟻

長山道中

東風吹客倦振策更山行入谷已殘照離家尙幾程亂雲
穿馬足流水雜車聲猶聽城鐘起回看古堞平

石華洞

洞腹不容人石齒橫相齧幽鳥時一窺寒藤落古雪

過齊宣故陵

封畔墾耕絨不勻田齊雄燄化飛燐芑苧花發鬪體孔葛
蘘苜纏肩屬身日暮謳吟愁牧豎劫餘鐘鼎竄風塵如何

不及於陵子寸豕於今尙姓陳

萊州詞

黃茅十里曬鹽場矮屋人家坐晚涼何物漁婆偏解事鮑
魚風裏說秦皇

田家卽事

春林帶殘照歸鴉黑似漆田家風味清家人聚其室共爲
生計謀絮語何瑣悉今年較去年驚蟄先五日明日早燒
苗種我三畝秫小兒方能言牽衣還捉膝笑語阿爺看屋
角犁星出

題畫

寒泉挂壁荔垂檐鶴髮翁疑劉海蟾霽雪滿庭月如水白
梅花下讀楞嚴

懊惱曲

南國休生紅豆子西州漫折綠楊枝百年最好是歡會苦
莫苦於生別離

銅雀臺瓦硯歌

漢火未熄妖星芒銅雀一現朱雀藏高臺魏魏連漳起鄴
下媚狐肆披猖鳳柱對蹲雙結綺虹橋倒挂若迴廊年月
迴環書蝌蚪琉璃金碧覆鴛鴦漢家兵戈旣鼎沸橫槩歸
來樂未央大兒彈碁幼傅粉一門父子盛文章惆悵東風
慕嬌女朝露慨慷對杜康阿房歌絃秦公子陽臺雲雨楚
君王分香賣履留遺囑兒女之情抑何長建安去此二千
載太息阿瞞骨已霜一世之雄今安在獨留瓦片豔文房
過鄭康成故里

嬴秦燒羣籍發難在臣斯六經日蕪穢正義何由治大哉
康成公獨蘊高世姿窮經竊奧窅學道抉藩籬律呂研遷
志算術察周髀雜考申韓法旁羅織緯辭譬如大河流百
變屬馮夷清濁并相納不必分派支譬如洪鑪鑄羣材付
工倕金鐵齊入冶不必權毫釐考稽旣已久蔚爲大經師
詩箋毛氏故書證安國遺易立爻辰例傳可廢疾醫三禮
尤卓卓舊典精研稽老嫗數家珍了了無所迷漢儒稱後
勁有功在宣尼後學譚性命反興非薄思大善且不錄吹
毛以求疵遂使昧禮朝黜祀逞其私豈知泰嶽高不以刻
而卑宋人開理學漢人爲之基離象安得意求兔端賴蹏
飲水不思報味本當駭疑更有齷齪者學語方小兒掇拾
前人說百端相排詆有曰男子御何必五日期有曰郊天

鼓安得麒麟皮更僕難終數嘒嘒無已時驪駟駑駘笑大
鵬鷲鳩譏棄鼎寶康瓠庸庸安足嗤我朝羣儒蒼起而修
明之煌煌東州學炳若中天曦余居里相近先哲常心儀
驅車過東道搔首訪遺祠自恨生也晚遺編手徒披訓詁
勤鑽仰未得見津涯生平有向往瓣香心自知

禱雨行

天孫廟擊大鼓滿城絮絮撒白雨白雨下時頽日升但見
炎威赫赫天亭午官吏禱雨術俱窮不獲蜥蜴搜壁虎云
能吐霧與興雲挽汝沛澤施下土壁虎壁虎汝未從深山
大澤來身無鱗甲安能變化爲龍弭旱災雷公大怒電母
笑若輩竟號作霖材

沙元炳字健菴晚號礪翁如皋人光緒甲午進士改庶

吉士授編修有志頤堂詩鈔

詩話健菴通籍後以二親年高歸養留意鄉邦文獻嘗蒐集先哲遺書多至百餘家藏舊籍金石書畫甚富各加題識有題跋文二卷晚年究心內典歿後門人項本源錄其詩文得二十卷

壬子元夕雨

黃韭青芹劫後生
神鐙佛火夢邊明
分無好月臨宮闕
政藉甘霖洗甲兵
病入酒杯成棄物
亂來鏡吹作春聲
夜闌忽憶前朝事
延壽街前爛漫行

十二月十一日至唐閘舟中遇雷雨次日雪

颯颯冬雷挾浪聲
喧喧急雨尼河程
放船百里四時具
掩戶一宵三白生
弄客又逢天作祟
敵寒爭遣酒行成
五峰對我頭俱皓
不信蒼山沒世情

辛酉重九日舟中賦示澤人

寂寞逢生日頻年似此稀
一舟吾與爾百笑是成非
江海同魚爛身心逐雁飛
從誰較顏稷道在合長飢

借慕逸貫恂游狼山回車過西廬步至梅垞門鍵不得入遂登我馬樓四十韻

黃馬交岡尾修修若伏螯
西廬踞其罅左右橫雙蹠
往歲曾經此邪許方伐罄
茲來攬狼勝饑眼飽猶饜
譬揖故人退回轡就兒曹
春晚寒尙滯打背風颺颺
殘曛迎醉眼金彩迷千毫
辭車循澗路泥屐憎塗膏
覓導初憚遠發興遂忘勞
丹畦間芍藥苞坼紅仍韜
緣溪植新柳黃綠待春縹
一峰忽當面驚墮怒陽罅
大人誰稱汝脫壞團花袍
骨立空諸倚膚皺誰敢撓
目絢變橫側步轉旋周遭
微香時到鼻披磴空蘭萼
已知梅垞近疾足輕於猱
孽峽規箭筈架

棧編箒筲穿橋叩幽闥鎖闥金蟾牢過牆一枝無望望頭
頻搔岸邊餘幾樹紅白亂李桃不知千五百何處開芳皋
崑崙千五百梅花節行行復止止天半鯨魚號言尋石徑返倏遘危
樓高策倦故爲目暫愒思容尻螺旋進益上風衣不受縈
雲塔壓前項江樹羅淺毛旁翼亭突兀俛罩巖啣嘈惜乏
松柏枯耳絕飛空濤坐定生虛寂壁語俄噉嘈荒調微莫
省似寓譏與褒僧來導我觀甃石泉新淘云此一泓水終
古無旱澇叶池方不盈尺濁過未筩醪何論淪佳茗未足
供浙溘想患我馬渴於旁鑿其槽衆賓各撫掌驚起羣棲
啤吾亦笑登櫓電掣如追逃昏黑戒顛覆燈火趨南濠相
期摹所愿賈勇詩能麤

送諦閑上人歸江南

肯來海縣暢宗風纔歇經壇又欲東羣識神通過鷺子我
慚朝暮似狙公樓花雨定香雲白江樹霜酣戰血紅甚欲
從師浮葦去祇愁塵網絳冥鴻

劉生紀雲璞君族弟也依之學佛兩載合掌誦佛而
化璞君喜爲往生之徵貽書遠告卽用其見贈韻
論次其事

的惹生於蓮甘苦同一天誰甘復誰苦轉眼換塵鮮究其
甘苦種藕實二何先藕空實有心何者相因緣實落還成
藕生性胡同然華如車輪大葉或小如錢處蕤比君子宅
淨胎聖賢淨穢性不二差別隨境遷自非粲蓮舌此蘊終
難宣璞老蓮邦客蓄念金剛堅成佛佛有待翻讓靈運前
眷屬字紀雲兩載從餐眠需染豈云久入苦遂能獨靈山

華藏海僅挹埃與涓便聞彌留頃合掌迎金仙想有幡幢
葆天半紛反翮窩歇懈慢國會叩蓮池邊化爲池中華色
異根當連璞也躋百歲定證如來禪指月明淨性魄滿光
自圓禮日參初觀寂照窮悲泉十念非誑語吾曹庶勉旃

蜀石經殘本歌

廬江劉健之體乾得蜀刻周禮左傳
公穀四石經殘本介積傳索題乃爲

此歌

嬴秦焚經傳二世孟蜀尊經傳二世腐儒苦怨天夢夢天
眷原不私文字我觀廣政經成一百十二禩翠墨未完蜀
社置毋家百萬黃金錢但爲新朝儒學地先石後木勞手
民到今石木無一存盲左詩禮出良朽攜拾舊數趙黃陳
廬江劉翁歐趙選收攬周官及三傳藝風師指繆是今柳
東指馮登府曾鉤考異同泐成卷我徒見跋未見經骨不

可揣從聲聽經與經廢等亡國樊榭詩在吾聽熒年衰才
退奈此石經何西望蜀碧年年多

周景濤字松孫侯官人光緒壬辰進士改庶吉士歷官
學部員外郎

詩話松孫嘗宰如皋有循聲德宗疾亟求醫兩江
總督端方疏薦供奉內廷遂改京秩辛亥後避地津
沽縱酒自放佗僚以及其詩力追宛陵半山
大都得自苦吟此痛處乃與沙社諸賢爲近

初春述懷

五窮入我家與我生根蒂害渠果何事暗中動我制墜地
無室廬流轉不敢斃平生泥雨鹽一步一濡滯四十知百
年僚底早自筮只餘玉池肥靜坐自勤閉誰知失聲哭痛
迸奈何帝春風非不溫著袷轉淒厲開門呼蒼天空碧但
無際何曾井蛇驚坐見國狗獠永愧匹夫諒觸事潛以涕

舊聞傳青主奇方輒焚瘞信哉泰山崩甯作完卯計待我
五百年人間知有世

新年次東坡韻

萬家忙饋歲一叟念初元排悶詩甯野邀眠酒又村故鄉
山水隔世事雨雲翻欲作揮戈想其如若木昏

羣公皆有託吾悔獨何之狐兔方連社鷓鴣此一枝春生
中酒夜夢到挂冠時猶鼓殘年興新詩誦與兒

茲鄉濱海盡眼界若爲清禾黍高登廩雞豚富入城欲消
無事日祇益可憐生牡蠣梅花市吾思豆腐羹

豈有圖南意吾居亦少東儲糧三月盡簪筆一生空賀歲
聊從俗偷生愧作翁乾嘉成已事不敢說咸同

天心無可轉歲事不應繁何處爲乾土當春憶故園閒延

家鬼坐老避徹侯行猶得東坡味明年說抱孫

寄鄭蘇堪

昔吾困江縣而子相臨存惘惘雨中別寄詩甯吾魂再面
胡不歡各會難爲言出悔入亦悔苟祿安足論子有千載
詩不官能自尊使子以詩昌天意良未敦長吟且袖手勿
訝霜鬢繁不見黃河清詎乏卮酒渾

平生所結痛一語觸千萬以子懷舊恩愴昔子術困賤臣
忽見徵誓以不欺獻私憂欲彌天末策誰許建呀呀涵光
殿燭淚長徑寸憑几三數言嗚咽但九頓蟻蝨不上昇苟
活在泥塗微生縱有口日夕銜巨恨江湖傳子詩無窮抒
哀怨重來望觚棱感涕念垂憲眼中厯厯事對酒那忍勸
陵樹冬復春淒涼問社飯

留別高曦亭前輩

逋客相逢地陳人欲盡時
不論廿年長爲誦一生詩
身世同嗟慨情親忽別離
祇應梅有訊勉副歲寒期

閒居

欲向何人罪陸沈
強移棲息學盲瘖
自磨短墨消英氣
偶熟名香驗道心
好睡未妨來日永
閉門便覺做廬深
書生槁餓由來舊
肯爲窮愁損素襟

病夜

撼撼復撼撼敗葉檐階迸
陳虬見火舞候蟲切身勁
寒氣登牀噤裘被莫與競
縮蛭聽晨雞更點未可竟
偶然披衣坐斜月入窗映
是時心轉空一室見白淨
旬月不出門已適懶惰性
會當齊彭殤安問貧耶病
跣趺數鼻息聳肩索

苦詠醒眼直到明元鬢應滿鏡

不死

平生言死何曾死今日奇窮未覺窮數米爲炊仍腹果量
錢沽酒亦顏紅夜深忽夢先朝事病起眞成隔世翁黃土
待人歸宿處董公健者料應同

李希聖字亦元號臥公湘鄉人光緒壬辰進士官刑部

主事薦舉經濟特科有雁影齋詩

詩話亦元少秉異資爲學使侯官張文厚所奇賞以
國士期之通籍後志在用世無意吟詠辛丑以還感
事成詩房州之思一本忠愛屬辭哀豔寄懷餘邈文
厚謂蒙叟鹿樵祇以多勝時涉淺易遜此幽窈匪阿
好也近數十年湘中詩人類皆辦香湘綺獨亦元不
爲所困其論詩絕句四十首頗自喜病中詩漸入宋
異於平時攷年甫逾四十著有光緒會計錄庚子傳
信錄雁影齋題跋雁影齋詩其鄉人爲刻詩行世後
仁印吳氏復有雙照
樓刊本入松鄰叢書

海上晤葛侍郎

寶華

連日談西安事臨別有贈

去住無消息傳聞有是非艱難天險在予奪聖心違驛路
梅花發官筵首著肥孤臣中夜淚霑灑向征衣

西苑

芙蓉別殿鎖瀛臺落葉鳴蟬盡日哀寶帳尙留瓊島藥金
缸空照玉階苔神山已遣青鸞去瀚海仍聞白雁來莫問
禁垣芳草地篋中秋扇已成灰

陶然亭題壁

車走雷聲不動塵千門馳道接天津杜鵑九死魂應在鸚
鵡餘生夢尙新抱蔓黃臺成底事看花紫陌已無春漢家
陵闕都非故殘照西風獨愴神

感舊

尊前怊悵試羅衣。韋曲鶯花亂，後稀紫殿不聞春燕返。青
城還見夜烏飛，焚香複道吞聲過。送別都亭灑淚歸，自
金仙辭漢去，人民城郭已全非。

湘君

青楓江上古，今情錦瑟微。聞嗚咽聲遼海鶴，歸應有恨鼎
湖籠去。總無名珠簾隔雨香，猶在銅輦。經秋夢已成，天寶
舊人零落盡。隴鸚辛苦說華清。

望帝

元菟城頭紫氣橫，長安月照國西營。天邊馬角無消息，海
外龍髯有死生。貢使祇應供夏葛，歸期猶及薦春櫻。煙花
繞禁，今如昨。莫遣張衡續兩京。

曲江

曲江宮殿鎖莓苔蠟炬爐薰認劫灰玉盃已隨芳草出鑿
輿曾爲看花來殘燈不照秦烏返落日惟餘漢雁回夜雨
秋衾雞塞夢歸時應過李陵臺

故宮

故宮雙闕倚斜暉雉扇淒涼事已非城草漸隨烏尾長陌
花留送翠翹歸黃金海舶傾車出赤羽梁園夾道飛搜括
豈知民力盡年來江左已無衣

帝子

帝子苔痕玉座青鷓鴣嘯處雨冥冥北門劍佩迎蕃使南
極風濤接御亭江海佳期愁晚晚水天舊事夢娉婷秦絲
解與春潮語一曲蘼蕪忍淚聽

天遣

天遣多情有別離，綠楊枝外抵天涯。
粉蛾點滴牽絲出，金雁零丁怨柱移。
錦字無多裁恨遠，重簾不捲放愁遲。
高唐夢雨相逢道，賦就春寒已後期。

呈廣雅尙書

孤吟愁聽景陽鐘，咫尺蓬山隔萬重。
祈請不妨持漢節，陸沈何處識堯封。
論兵白髮知無補，挽粟黃腫已不供。
夜半金蓮承獨對，東朝垂涕話神宗。

中興和廣雅尙書

艱難又見中興年，五勝臨朝尙儼然。
上相自求王導節，深宮新賜鄧通錢。
賈生三表真何益，夷甫諸人太可憐。
父老極知哀痛意，白頭流涕詔書前。

詠史

夕殿流螢事可憐
天荒地老是何年
江花浩浩無終極
海月沈沈不解圓
已炙鳳麟稱萬壽
更憑鳧雁錮三泉
孤臣欲續湘纍賦
中夜吞聲拜杜鵑

秋興

倚瑟叢臺夜不眠
邯鄲舊道走三邊
鑄銅北極難成柱
種玉西陵漸作田
舞馬當筵催賜錦
盧龍賣塞不論錢
教坊莫廢汾陰曲
秋雁飛時似往年

詠棗

紫衣傳賜出蓬壺
雨露恩光照上都
一例東封成故事
坐令尊酒變明珠

題辛丑年詩後

慘怛張衡志
芳華宋玉詞
四愁初有作
三賦故應悲
疾病

兼羣盜艱難又一時試憑滄海恨還爲問王尼

聞道

聞道君王起漸臺方壺員嶠象崔嵬離宮苜蓿參差長別
殿芙蓉爛漫開新闢條支求鳥卵更通碎葉問龍媒太平
天子無愁思願頌南山獻壽杯

寄樊按察

暮雲殘雨望觚棱憶掌絲綸佐中興新種柳槐春夾道偶
臨鳧雁夜張鐙酒人刻燭思高適仙侶移舟愧李膺東閣
祇今成馬廐知君未忍薄孫宏

重門

重門迭蕩絕躋攀鳩鳥來時正閉關花月舊痕非往日水
天新語落人間陸機已占東西屋何點難分大小山凝碧

池頭曾繫馬當年容易點朝班

小除日得王撫州乃徵重陽書卻寄

臘殘春動雪消初纔讀潯陽九日書魏闕江湖猶剩汝中
年哀樂正愁予論交宿昔心仍在報國蹉跎計未疎終見
漢廷徵汲黯郡中早晚候軺車

三韓

樂浪城外海雲低拜表中朝舊執圭大郡股肱宜肇畫神
京肩背失提攜十年教訓歸烏喙百戰聲名出碧蹠滅國
陰謀君未省山前淚盡拜摩笄

題陸放翁集後

頗託朱熹契難酬史浩知晚爲西第頌慚對北山移慷慨
論恢復昇平記亂離白頭翻杜集應廢沈兵詩

詠史

窈窕交疏間綺窗自修水遞接吳江藥儲乳雀三千兩衣
畫輕鸞六百雙燒蠟代薪施錦帳列錢銜壁出金釭化滄
不似承恩死彰義門前祇足降

史悠咸字澤山浙江山陰人光緒壬辰進士官內閣中
書有眠琴閣詩鈔

惱公曲

湘裙嫩嫩梳微波畫葉仙衣飄翠羅香桃瑣骨怯春影衣
嚼瀨霞瑤怨多煙霄鳳葆迎丁佩紅鴟瘦玉絃聲碎嫵香
迷夢度芳年一把纖腰倚春醉涼絲玉網銀梳搖押犀風
細開櫻桃芳螺曲寫鏡中語皓齒嚼風吹紫簫仙菓珠的
同心扣綠衣傳語嬌鸚瘦消得層波一瓣光瑤襟圓咽相

思豆蠟花摧餒寒青熒彩鸞怯翅舒金屏紅牋研破點斜
雁小押麝煤淒寒馨寶曆曉星蚪水咽鸞釵敲夢錚琤絕
豹驄香陌憶珊鞭六曲青蠡鎖霜月曲水飄香唱惱公綠
巾拭淚珍珠紅金鵝夢破蜀山曉花底露鈴吟斷風

潼關

扶輿兩戒望中分終古雄關峙獨存白帝三峯尊太華黃
河一氣走昆侖盤鵬沙磧聞傳箭散馬秋原見列屯攬轡
臨風感興廢承平形勢漫重論

柴關嶺

長嘯萬仞岡寒風戰黃葉不知所歷高蒼莽入寒色山骨
鬱礧礧紛如怒猊截巨瀑奮雷碾石力拒而裂一山千萬
轉十步八九懾藤臂或攫衣石齒亂折屐屨魂步已卻試

險足先躡徘徊一綫中欲騁不能捷巍巍螺負殼旋旋蟻
緣垤寒蘿下無路踏石覓寸隙薄暮宿山家合眸見餘碧
屠寄初名庾字敬山武進人光緒壬辰進士改庶吉士

授瀆安知縣有結一宦詩略

詩話敬山文辭雅令詩筆擅稱嘗輯常州駢體文錄三十卷頗爲世所傳其敘錄曰譬之國有風詩直事甄采匪敢阿私吾鄙薄愛殊方爰就親故摭逸叢殘其巍編巨帙行世廣遠者則更芟翦繁蕪抉擿孔翠亦知言也中歲後屏絕瑠華博意爲蒙兀兒史已柔者十數巨冊未竟之緒尙多孤學奄逝致可惜已

感事

天馬自西極連翩東南馳曾食漢苜蓿不屑黃金羈高高
禹同山下有昆明池舳艫縵雲日波濤揚旌旗請纓抑何
壯據鞍亦未衰忠貞誰能嗣亮節良易虧繁華上官日囁
嚅對簿時

炎暑方未闕徵兵防八閩連舫通析木高鏐慧長雲深源
盛名士子房畫策臣違衆令獨將不如棄其軍蒼黃戒征
軸咫尺根胡氛犀甲相炤耀龍艦自紛紜伏波旆空返赤
壁師竟焚引領海天闊太息終何云

金風何蕭瑟海水揚其波我軍西南征樓船鬱嗟峨荒荒
日南地窈窕瘴癘多宵衣溼萋露晝景流寒沙燧象走叢
薄飛馘墮稠阿巖關有列戟側徑無橫戈地逼寇趨險糧
絕士卧痾戈船遂淪沒銅柱空摩挲

精衛銜木石畢志滄海間爰居巢魯門風多避其患矯矯
陳虎賁方舟蓋廣川抽刀搏木折飲馬咸池乾節旄脫欲
盡靈查殊未還天吳激溟漲浩蕩弓頻關青鳥崑崙來投
我白玉環素書雖不識長揖辭蓬山鳳駕有遺音窈窕難

重攀夜來闔闔風吹折山中蘭

雨中泊舟虎牙潭南望荆門愾然有作

孟冬滯寒雨弭權蒼江隈湔澆忽雷响圓淵若雲迴水落
沙渚出氣肅霜柯摧虎牙嶸豎起荆門闕竦開溟濛遠巖
失泐嗟曾厓頽茲水不可厲茲山詎能排巴梁藉紿帶荆
郢馮崔巍在德信作固逆理翻爲災田戎與任滿覆車使
人哀鐵組亦易斷浮橋已成灰桓桓岑吳功畫象縣雲臺
清時外戶闔島夷重譯來市舶恣徑復津吏不願猜空潭
隱戰艦古辟夷草萊軍府驟右盼羈旅徒心悔短歌苦促
迫聞者姑裴哀竊比劍閣銘媿非孟陽才

雜詩

隆漢盛公卿鬱鬱登天衢致身本經術應務良不疏春秋

可折獄三百當諫書如何中道衰漸用章句儒章句亦不足篆刻徒區區河間工數錢乃更開鴻都居官且食雁不恤城上烏

驅車上西原白日光欲流商飈何慘烈落木聲蕭蕭獵者四五人遭我於道周狡兔時縱橫蒼鷹不下韝豈無雲霄志一擊不中羞誰能養其氣奮翮陵高秋

步登黃鵠磯左顧窮三湘水草何萋迷蝮蛇盛游臧元鶴日羽化誰能豕其腸此物含毒螫不去將人傷跛頭宜速斷解腕徒自創寄聲蒼鵝宰未然尙周防

遭迴眄激浦駸駸羅榛荆昏莫無人行曠獸走入城狂猛不守獄狐跳荒祠鳴縣官正高眠夢寐時一驚曲突謀不用焦爛功猶程

送李戶部慈銘赴天津

辭官向滄海臨別會長安老去憂風雅深談出肺肝帝城
春色近島日夜光寒莫倚珊瑚樹浮雲直北看

邊愁

西域頻年能作梗班超垂老遂臨邊河湟縱復軍儲耗弓
矢初投部帳遷草滿令居無牧騎功成都護尙屯田關山
直北歸圖籍積盾仍憂虎穴連

憶昨狼烽照上都祇今鮫室徧通衢離宮苜蓿春煙沒飛
舶金銀海水枯白雉幾曾重譯獻黃龍安得及時輸漢廷
解守和戎策五利他年恐矯誣

羽書日日過龍編赤子殊方正倒縣領嶠夕烽驚峒戶瘴
江明月靜樓船但期李獻輪降款豈有馮唐惜暮年早晚

崑關真奏捷洗兵銀海共歸田

樽木千年不改柯颶風一夕忽揚波東瀛信有桑田變南海初無貢舶過猶憶陳稜開絕島未聞張政檄羣倭聖朝今日尊文教蠻觸紛紛奈爾何

又愁

天涯羈幕動銀箏夢裏刀環識玉京卻信單于能保塞不緣甌脫漫觀兵龍沙嚶唳回歟入虎穴陰岑貫索明稍喜渥洼天馬至漢家郊祀薦新聲

句驪首服未窮兵千古常留衣幘城別國舟車初互市中朝職貢擁虛名母邱刻石將確泐楊僕樓船息戰爭武德當年容抗禮諸臣猶恐四夷輕

震盪交州水氣中年時消息未全通天邊野火燒銅柱海

上浮雲接貝宮南紀蒼黃愁失鹿北書荏苒怨飛鴻艾山
二月花如錦賸有胡姬走玉驄

海潮東下赤嵌城日月蒼涼禾黍平山過鯤身皆列郡波
連熊指忽交兵千年寂寞明珠貢百丈珂峩戰艦橫欲向
蓬萊問徐福蛟臺蜃閣故晴嶸

歸夢

故園露冷客心驚夜色黃樓有雁聲寥落楚天斜月裏西
風吹夢過江城

陽春亭卽目

繞郭蒼山起暮雲亭前衰草遲斜曛回塘風定秋萍合鷺
鴻無端畫作紋

橫江權歌

畫舫油幃紫玉簫
權歌緩緩度紅橋
夫容落盡秋江闊
歸去月明生夜潮

卻憶

玉河煙柳接金臺
水畔香車宛轉來
卻憶江南碧桃樹
東風愁寂爲誰開

林旭字暎谷侯官人光緒癸巳舉人官內閣中書加四

品卿銜有晚翠軒集

詩話暎谷見義甯陳右銘中丞語以讀書當求致用
少年人往往喜爲詞章才華自滿損載福之器暎谷
心服其言銳志經世神鋒太峻殺機伏焉詩學宋
人有乾萍峭嶠之致使永其年其成就當不止此

還家題齋壁

嘉樹殖有譽故都望
生喜行人四月至
夏雨灑芳圃最念
手移梅旁出芽如指
海棠枝上蟲斑綠狀
踉跄荀生不擇

地廊彫石盡起治蕪理芳草坐定青襲几南鄰荔支熟高
繖張紅紫筠籠亦相及饑眼慰無俚去年大雪寒實小酢
如李

書聲諸弟好鐙窗無隙地旋旋行復坐我自知何意登盤
主簿果飽啖萬事置赤嵌客亦還

五叔父自臺灣歸

團團五日泊

但言肥無加欣慰舉杯裊少孤依大母西日追無驥夢歸
見生存歡笑家人待夢境不可尋歸日卻涕泗

寄梁節庵武昌

高言不止衆人心折楊皇考易爲音我見斯人每有得可
知語上資堪任眼中時賢願識少於水譬見瀟清深先生
偉節風天下求匹於古非於今寒泉舊井不自慚汲引後
進猶鉤沈窺公性情實至厚憂時念友恆欽欽去年蘇州

誅循吏

王忍齋文

高臺流水朱絃暗我今師喪重繭赴服勤一

念空差參感我遠行忘新歲招上湖樓邀客吟騁妍抽祕

盈衆態游心竄句費幾樹北海酒尊誰擎舉潁川公子相

追尋

陳伯嚴文

明朝辭去船下水回看大別春陰陰武昌三度

食魚美宿留桑下慚精誥微館回衍聲病澈撞鐘試可繩

題襟

寫經居士贈詩盛道閩派而狎予爲澀體謂學蕪湖

袁使君因答及之

夫子論詩笑口開叨逢目色卻低回涪翁不忘絃歌旨杜
老誰區排比才底用爲藩防楚舍更羞酌水溯強臺似聞
辛苦膩顏恰要傍東家司寇來

外舅哀餘皇詩題後

七日動心驚帝醉百年被髮卜人爲靜觀始驗過庭語盡
瘁空追籌筆時易佃苗畚看滅裂經行藍華付墮推分明
家國千行淚詞賦江關漫道悲

答幼遐前輩示詞

邂逅眞非常樂論陂邊鷗鷺怪紛繁看山留目依吾土書
笏迴思入小言雨急更催愁日晚花清自照忘杯渾龍沙
請念憑何物政要先生秀句存

直夜

鳳城六月微涼夜省宿無眠思欲殫月轉觚棱成曙色風
搖燭影作清寒依違難述平生好寂寞差欣咎管寬身鎖
千門心萬里清輝爲照倚闌干

靈澤夫人廟

故國何人舉奉匱竹竿從此釣於洪韋昭吳史應書卒不見春秋宋伯姬

李經鉦字連之號庚餘一號逸農合肥人光緒癸巳舉人河南候補道有友古堂詩

過衛秧村有感

荒荒斜日下前村此地重過欲斷魂陵谷變遷原不料盛衰倚伏更難言春風自改新亭館明月曾陪舊酒尊西望蕭蕭人去盡空巢鴉鳥叫黃昏

重游法源寺

幾樹疏松野寺前松陰踪迹久茫然故人高節成千古勝地重來又五年戊戌借王伯唐游此王殉庚子之難佛火尙明燒後影塔鈴獨語雨餘天卽今無限滄桑感不獨宮花委斷煙

冒傳鈞字旭初如皋人光緒癸巳舉人官廣西龍勝通

判

寄鶴亭姪

西風一夜桂林霜入手天涯字數行世變可憐身漸老官
閒差喜母能將網羅文獻何曾倦談笑公卿不諱狂今日
門材衰落盡眼中惟汝白眉長

陳銳字伯弢武陵人光緒癸巳舉人江蘇試用知縣有
抱碧齋詩集

自長沙至桂陽途中雜詩

昨宿空冷岸灘聲枕上聽今看樟木寺嶽色眼前青雲物
猶瀟灑天人一杳冥何因羨翀舉敏齒誦黃庭

鶯溜沙初落亭荒霧未收片峯捎雨過孤艇坐灘流餘浪

洵巖壁遙墟散馬牛居人閒倚立檐際笑行謳

東湖

隄畔初黃柳垂垂識客愁軒亭銷麗日風露共清秋世外
閒雙槩天涯訊一鷗君看十剎海何似百花洲

李慶豐字綬埏在平人光緒癸巳舉人候選訓導有行
吟日記

揚州放舟

虹橋秋柳絢晴暉揚子江頭畫舫歸試望玉鉤斜畔路隨
風黃葉逐鷗飛

胡薇元字孝博大興籍浙江山陰人舉人四川知縣有
天雲樓詩

魏城驛

烏帽疲驢作壯游五年猶記魏城秋消磨意氣思田里散
落詩詞徧酒樓井底公孫人幾輩隆中諸葛自名流重來
燕子新巢覓也共春光到益州

羅運峽字達衡甯武人舉人官湖北知縣

詩話達衡雅才拙宦食力簿書辛亥後息影淞濱以
醫自給同鄉有招之者謝不往棲心釋典湛冥以終
其詩思致清瘦時有奇句癸巳夏曾與陳伯嚴易中
實范仲林盡二十日同爲廬山雨中之游極幽選勝
各得詩歌數十篇蓋達衡平生適意事無逾此者昔
祚文端望廬山詩有云買田築室吾不願但願歸途
住此三日窮躋攀乃知
詩人福分勝達官矣

四月十二日范仲林易中實陳伯嚴偕往廬山晚登

泰西船發武昌

幾度官亭棹往還
窅然江漢思
名山長風狎浪舟
逾急細雨懸
鐙客自閒滄海
悲歡枕物外
酒杯消息在雲間
但愁

宿霧猶遮嶺不爲羈人一解顏

九江旅夜

夜雨江城有客歸故園夢繞一湖飛橫眠短榻攜鐙近漫
數疏鐘出寺微獨雁唳空悲遠道亂蟲狎火笑忘機卷帷
起向南軒坐斷續輕風已滿衣

曉發九江入山作

朝雲拂城壘殘雨鳴松枝馳策出長道行人各參差春去
芳未歇碧草搖清姿野田何漠漠羣雀鳴相追幽睇結層
巘微情發涼颺靈山近可挹百里乃逶迤路曲躡危磴欲
速信難期撫賞求所適無言契幽思

山夜病齒答中實送別之作兼呈伯嚴仲林

荒邨塵鎖人寂寥况復寒雨鳴瀟瀟一鐙在壁淒無色照

見離人魂欲絕悲風慘澹千嶂雲破榻病眠愁向君羨君
長吟聲獨苦強作微呻答商羽靈山仙侶皆嗟我嗟余五
蘊戕沖和一齒已足窘百體萬竅怒作殊未已愁心夜傍
西山飛夢裏征途屢是非山中一雨昏昏曉故園有託歸
應早我聞讀書如游山一空清虛天往還澄潭水靜潛鱗
躍忽芥吾胸生五嶽聞君築屋匡山巔上有古寺名棲賢
歸宗瀑挂一千丈幽願夙結神區想楚越相攜豈偶然憂
來坐令佳興捐我生邂逅那有定龍蛇出沒影流鏡幽人
滯跡多名鄉君身夢晉非尋常新詩留聽旗亭唱此日離
杯勿惆悵

自通遠驛還南昌留別仲林兼酌贈詩

夙昔聞高卧春江一識君橫杯漢陽樹翦燭武昌雲翔鶴

飄音遠空林照影紛窺天惟有色獨立傍斜曛
雲氣沈廬嶽相攜入道林漱泉知內熱聞磬識浮音歸意
風爲急高情谷共深無言看物外別酒兩悲心

發通遠驛道中

撫枕意不適去去復山阿詎好邱壑美良難佳會多反膺
慚跼踖願言滌煩苛微日吐薄曜停雲結層波山禽時一
語風草間相摩迢遞睽長陂容與揭谿沱思搖栗里樹目
醉溫泉酤琴意送煙影南山尙嵯峨覽景肆幽度撫化生
心和不覩衆物理豈燭微躬瘥

宿歸宗寺

孤塔千峰外幽堂萬樹前山光浮月上鐘籟與風旋室靜
沈虛響爐温澹細煙余懷迷佛諦宵夢與誰懸

金輪峰觀瀑布

靈峰下插孤根深石尖徑仄俯百尋亂藤慄上競一水幽
奇相賞無古今結草小憩已山半遙見飛流惟尺練谷響
沈沈送遠音紆行百折驚河漢橫梁危跨越蒼崖清樽坐
隔寒潭開浮珠散氣作五色石光日影相盪挨縹緲天梯
挂雲穴銀痕倒瀉漏肩鏑雷雨潛移幽谷心流向人閒逐
生滅激沙濺石氣奔放江湖應失濤瀾壯寂寞荒山睥汝
豪爲語涓流休蕩漾細沫風驚撲面寒銅甌煎取非貪泉
世上清流一回首舉杯共吸山中天

秀峰寺觀龍潭

雙峰突兀飛劍翠籃輿蜿蜒入山寺小室冥懸大瀑寒山
根下結靈湫祕奇境鴻濛應始開刻石怪字何年來易陳

舊題笑相示墨痕初蝕蒼煙苔蟠龍呼翕窺無底潭水不
枯龍不死碧光蕩漾疑天雲清冷莫使潛燠起輕風吹浪
生微紋餘流作澗觸石噴人生外鑿不自靜臨流暫賞徒
紛紛萬木低壓結深綠一縷支離趨海角山水聲形兩杳
然畫師落紙成境界角坐眺萬象無纖塵乍晷不聞蟲鳥嘖
蹲石倒影俯流水悅性無倪思古人

萬杉寺五爪樟歌

人間那得生奇樹五爪橫抓天地數冰霜屢劫堅多心呼
吸陰陽非鬼護同根異幹蒼龍拏繁枝相接無槎枒雄姿
顧自伍凡木荒山叢立鷓鴣嗟霜皮秋暗沈顏色本性虛
含豈天賊犯雪常貞松柏操凝煙坐待藤蘿匝葉落旁驚
一爪枯大年同盡悲薪樗百形澆溉資靈液纖條不注非

吾軀四爪崢嶸尙疑緣但恨直上無拳曲詎爲逃刑忌斧
斤道在鴻濛雞卵伏

琴志樓贈中實

高樓無鳴琴所志在弦外山水有詩書日與皇古會主人
遺世豪空山軒冕林壑生人怪仙佛靈蹤不可尋青天乘
龍多富貴小亭倚檻當初晴兩崖立峽虹橋橫峰頭雲騰
四海氣濶下濤奔五嶽聲花光草色入文字蟲喧鳥語皆
竽笙怪君心迹兩奇絕上援栗里排長庚征衫翻風歎塵
重酒杯坐失神明庭萬物紜紜欣有託希夷何地潛吾形

第六泉

初識人間第六泉誰將杯水倚巖穿涓流不塞微稊穴一
勺長泓萬古天幽谷月明春脈脈荒苔客立意綿綿紅亭

新葺鄰佳宅琴志同忘世外年

雨坐琴志樓

吾老乘風氣鬱盤大千靈竅雨漫漫煙林色送羣峰溼澗
懶聲添一尺寒杯外客心沈去鳥襟邊天意有憑欄亂雲
作態連層嶂都付仙人跨白鸞

雲錦亭題壁

徑曲趨厓仄亭空壓石平迴橋懸地脈飛瀑落天聲野槥
有魚鳥巖花無雨晴寥寥招隱意山海日崢嶸

連理松歌

元黃孕形無一奇千年老松連理枝天寸地尺支兩臂龍
騰虎躍顛雙髀混沌萌芽憶新吐雷霆變化雄交馳磐石
潛根息以踵清風吹柯鱗而飛翠葉青條拂雲表上映五

八略詩集卷一百一十八
三
老蒼髯鬚陰陽不毗晝夜氣日月還吸山川脂豈向鴻荒
問消長獨從廣漠爲雄雌摩挲但識蒼顏古蘊藉誰憐勁
節淄澗曲佇睇白日晚俯仰衆緣生歎咨纖蒲弱柳孰伯
仲百圍大木皆嬰兒

廬山篇

廬山之高高入天靈胚欲問鴻濛先丹崖幾換神仙骨銀
瀑長流日月誕荆揚分野轉飛藿莓苔屐響飄長煙尊邊
初識大千界芥內今知第幾年五洲雲壑中原小況爾孤
山一稊杪氣醞杯流壓海濤神行拳石排蒼島風雨清吟
鸞鳳音松楸怒吐蛟龍爪虛無天外渺三山截嶮人間尊
五老萬峰高下何莊嚴澗奔爲瀨渟爲泉乾坤無形含尺
寸魚鳥有止交飛潛野猿自怯層巖峭馴虎常蹲大石安

竹林怕跡沈還鶴石室幽光凝夜蟾山形睥睨異離合雲
霓况復低重簾滄海有底水可覆將窮碧落吾心筓

卧龍岡瀑布

高岡峭夾飛流起何處老龍窺首尾不卧窟底卧岡巔垂
涎一夢生海水巨繩岳嶧神力適深湫靜住波無浮清甯
閒氣有邱壑江心海腹終泡漚亂石盤陀天不管臨流欲
洗人間眼寒噴四時飛雪霜籟沈亘古鳴車輦旁有細瀑
輕絲懸東西合澗齊忘年洪濤自捲風雲壯涓滴還疑骨
髓全茫茫題壁空遙睇運衰道往魂同逝摩頂路隔山花
梢回頭舟失湖煙際

碗巖有仙人掌斷委草中感賦

物化莽茫茫草木胡旦夕不爲太華擎露盤乃在荒巖卧

煙礫神明浴水蛟爲龍斧鑿撼山玉成石春心乍失仙葩
青秋聲遙望叢蘭碧翻雲覆雨日悠悠百年我亦悲行客

琴志樓雨中酬伯嚴大兄送別之作

昔下海濱觀海水雲霞樓閣伏還起龍蛇螻蟻幻兩眸我
欲赴之虛一葦客帆秋挂武昌風對君情尊語奇傀君言
怪物海外多億變終安一心是飄風蕩瀆雲翱翔扁舟更
入滄波裏肝膽相攜歧楚越是非欲齊殊彼此我思歸求
問端倪諸君招我匡山趾短筇始作尋常游孤襟漸覩山
川脊五老崢嶸高向天千巖萬壑一脈倚可否孤根據地
靈安得使股如使指山形羅立百澗流亦於駢枝無扞抵
琴樓十日空氛喧靜悅君言飲我旨西山歸路朝暎紅宿
草荒藤爲君燬先人塋墓久鼎鼎嗟余早孤心失倚奇篇

語澹情吐吞一讀一淚悲無止眞悲不生歡不萌悲歡倚
伏豈世以碧空雨合雲冥冥寒泉石橫波瀾瀾意含欲訴
歎辭費翻作長歌入君耳

白鹿洞

洞溼寒莓古祠荒壤壁低山光凝地重松影倚天齊水火
騰千載煙雲醞一稊潺潺溪瀨急吾意與提攜

觀五老峰三疊泉

五行水氣匡廬鍾飛泉裂石奔羣龍君看三疊更神異杯
勺苞含造化功乾坤未破如一紙太古肝脾餘此水億變
誰窮劫後塵水涸山萎天亦死霄壤遙懸大海高二氣絛
絛一綫交下吸坤精澆日月還傾雲漢蘇鯨鼉凌風飄飄
那可度人間天上知何處絕壑惟令煙雨棲層梯乍擘仙

塵路水落一疊潭一泓第三潭更殊態生湍崩撲戰猛霜
鏘萍凝不動浮奇青昔游卧龍與噴雪崖迴嶂沓閉林窟
長虹獨挂天當中五老峰頭辨秦越鄱陽影漂東蒼蒼巨
川西瞰滄波長神畿瓴建注其腹有如坐治開明堂懸疊
睇隔巖攢稍奮汲餘淙已無駭世人那解嘗滛灑祇道泉
清溝瀆濁二分垂趾驚噴吮眼花欲墜魂爲顛四大光音
成恍惚但見冥漠蒙垓埏

相思橋懷古別伯嚴仲林中寶還南昌

尋常驪唱已侵襟橋畔人天幻古今雲外斷鴻誰是客鬢
邊流水不成音倉皇山海神仙恨遲暮陰陽草木心萬劫
悲歡爭一晷晚煙愁覩故園深

蔡增澍字穉雲益陽人舉人有學古齋詩草

珍珠泉用涪翁第二泉韻

尋春訪古高人俱故宮剝落題楣書穿林坐石俯方沼清
泉的的噴明珠地鑪瓦鼎烹雲腴惠山中冷百不如買田
陽羨亦下策未若結宇依明湖

泊日口

澤國連雲夢迢遙望故關茶香鴻漸水暝色馬良山浪跡
萍無定鄉愁草不刪邊烽猶未息應許勒銘還

晚晴移詩匯卷一百七十八終